

पञ्चसीलस्स परियोगाहनं

डॉ. रमेशप्रसादः

वरिष्ठप्राध्यापकः

पालि एवं थेरवाद-विभागस्य
सम्पूर्णानन्दसंस्कृतविश्वविद्यालये, वाराणसी

* * *

भगवता बुद्धेन देसितेसु धम्मेसु पञ्चसीलं सब्बेसं मनुस्सानं हिताय सुखाय विज्जति। एत्थ पन सब्बपठमं पञ्चं उप्पज्जति यं सीलस्स को अत्थो? तत्थ सीलं सब्बेसं कुसलानं धम्मानं आधारो होति। विसुद्धिमग्गे दिस्सति—‘सीलनट्टेन सीलं’^१। यथा लतारुक्खादित्रं पठवि आधारो होति, एवं कुसलानं धम्मानं सीलं आधारो भवति। अपरम्पि सीलस्स पतिट्टानवसेन अत्थवण्णना मिलिन्दपञ्चे एवं दिस्सति—‘पतिट्टानलक्खणं, महाराज, सीलं सब्बेसं कुसलानं धम्मानं’। इन्द्रिय-बल-बोज्जन्न-मग्ङ-सतिपट्टान-सम्मप्पधान-इद्धिपाद-ज्ञान-विमोक्ख-समाधि-समाप्तीनं सीलं पतिट्टं^२। यथा—ये केचि बीजगामभूतगामा वुड्हि वेरुक्किहं वेपुल्लं आपज्जन्ति, सब्बे ते पथवियं पतिट्टाय वुड्हि वेरुक्किहं वेपुल्लं आपज्जन्ति; एवमेव योगावचरो सीलं निस्साय सीले पतिट्टाय पञ्चन्द्रियानि भावेति—सद्धिन्द्रियं, विरियन्द्रियं, सतिन्द्रियं, समाधिन्द्रियं, पञ्जन्द्रियं ति^३। सीले पतिट्टिता सब्बे कुसला धम्मा न परिहायन्ति। पुन सीतलट्टेन पि सीलं। यथा जलं अग्गिपरिलाहं विनासेति, सीतलभावं निष्फादेति। एवमेव सीलं पि तिविधग्गिं विनासेति, सेय्यथीदं—रागग्गिं, दोसग्गिं, मोहग्गिं च। सीलस्स वण्णना तिपिटके च अट्टकथायं च नानाप्कारेहि दिस्सति, यथा—चेतना सीलं, चेतसिकं सीलं, संवरो सीलं, अवीतिक्कमो सीलं, पञ्चसीलं, अट्टसीलं, दससीलं इच्छादि।

इमस्मि सोधनिबन्धे पञ्चसीलं वीमंसनीयं। गणनावसेन सीलं पञ्च इति कत्वा पञ्चसीलं कथीयति। ते च इमिनानयेन जानितब्बा—

१. पाणातिपाता वेरमणी, २. अदित्रादाना वेरमणी, ३. कामेसुमिच्छाचारा वेरमणी,
४. मुसावादा वेरमणी, ५. सुरामेरयमज्जप्पमादट्टाना वेरमणी।

१. विसुद्धिमग्गो-१, पिट्टङ्कं-८, विपश्यना विशोधन विन्यास, (वि.वि.वि.), इगतपुरी, भागो ४७।

२. मिलिन्दपञ्चपालि, पिट्टङ्कं-३०, वि.वि.वि., भागो ८१।

३. तत्येव, पिट्टङ्कं ३१, वि.वि.वि., भागो ८१।

इमेसु पश्चाधमेसु पठमदुतियतियधम्मा कायदुच्चरितनिवारणत्थाय होन्ति। चतुर्थेन धम्मेन वचीदुच्चरितं विनस्ति। पश्चमेन च मनो संवुतो होति। इमेहि धम्मेहि कायवचीमनस्स दुच्चरितविरति इति जानितब्बा। इमे धम्मा सब्बेहि जनेहि परिपालनीया होन्ति। तत्य गिहि-पञ्चज्ञितेसु अधिकविसेसो नतिथि। एत्थ पन इमेसं पश्चसीलानं सञ्चितवण्णना इमिनानयेन कातब्बा—

१. पाणातिपाता वेरमणी

‘पाणातिपात’-सदे तीणि पदानि होन्ति—पाणो, अति, पातो च। वोहारतो पाणो ति जीवो, सत्तो, पुगलो वा। परमत्थतो अयं पन जीवितिन्द्रियं। पातो ति वधो विनासो वा। अति इति सचेतनो हुत्वा। एवं पाणातिपातो ति सचेतनो हुत्वा पाणस्स वधो। परमत्थतो पन जीवितिन्द्रियस्स उच्छेदो ति। दीघनिकायस्स अद्वकथायं इमस्स वण्णना निन्नरूपेन पाकटं होति—‘पाणस्स अतिपातो पाणातिपातो, पाणवधो, पाणघातो ति वुत्तं होति। पाणो ति चेत्य वोहारतो सत्तो, परमत्थतो जीवितिन्द्रियं, तस्मि पन पाणे पाणसञ्जिनो जीवितिन्द्रियु-पच्छेदकउपक्कमसमुद्भाषिका कायवचीद्वारानं अञ्जतरद्वारप्पवत्ता वधकचेतना पाणातिपातो’। आतङ्कवादं, अञ्जेन अञ्जं हिंसाभावं इच्चादी ति पाणातिपातो। तस्स पश्च सम्भारा होन्ति—पाणो, पाणसञ्जिता, वधकचित्तं, उपक्कमो, तेन मरणं ति। एवं तेहि सम्भारेहि पाणातिपातो पाकटं होति। अयं पन न उचितं इट्टं वा। हिंसा-कलह-वेरभावस्स उपसमो हिंसकलहवेरेन न भवति। यथा एकस्मि ठाने अग्गि पज्जलिता होति, तस्मि ठाने सचे एको पुरिसो आगन्त्वा इन्धनं संयोजेति, तदा इन्धनं पत्वा अग्गि अतिबलेन पज्जलति। तथेव वेरस्मि यदा वेरस्स योगो भवति तदा वेरेन वेरस्स उपसमो न होति। धम्मपदस्स यमकवग्गे कथितं—

‘न हि वेरेन वेरानि, सम्मन्तीथ कुदाचनं।

अवेरेन च सम्मन्ति, एस धम्मो सनन्तनो’^१ ॥

अपरम्पि दिस्सति—

‘अक्कोधेन जिने कोष्ठं असाधुं साधुना जिने।

जिने कदरियं दानेन सच्चेन अलिकवादिनं’^२ ॥

तस्मा भगवां बुद्धो उपासकं च भिक्खुं च आमन्तेसि—

‘पाणातिपाता वेरमणी सिक्खापदं समादियामि’^३ ।

१. सीलक्खन्धवग्गद्वकथा, पिट्ठङ्कं ६५, वि.वि.वि., भागो ४।

२. धम्मपदपालि, पिट्ठङ्कं १४, वि.वि.वि., भागो ४७।

३. तत्येव, पिट्ठङ्कं ४१, वि.वि.वि., भागो ४७।

४. खुद्दकपाठपालि, पिट्ठङ्कं २, वि.वि.वि., भागो ४७।

एवं पाणातिपाता विरती ति पाणातिपाता वेरमणी। अयमेव एका कुसला चेतना याव सो पाणहिंसाय कायेन वाचाय मनसा वा पटिविरतो होति। सो पन न कायेन हिंसति, न वाचाय हिंसति, न मनसा हिंसति। तीहि द्वारेहि पटिविरतो होति। दीघनिकायस्स ब्रह्मजालसुत्तस्स निहितसत्यो लज्जी दयापन्नो सब्बपाणभूतहितानुकम्पी विहरती ति^१। मज्जिमनिकाये पि दिस्सति—‘अपाणातिपातं निस्साय पाणातिपातो पहातब्बो’^२। सक्कतगन्ये (संस्कृतगन्ये) यत्य-तत्य दिस्सति—‘अहिंसा परमो धर्मः’^३। पातञ्जलयोगसुते कथितं—‘अहिंसाप्रतिष्ठायां तत्सन्निधौ वैरत्यागः’^४। जेनगन्ये सुतालङ्कारे (जैनगन्ये सूत्रालंकारे) अहिंसभावं एवरूपं पाकटं होति—

‘एयं खु नाणिणो सारं जं न हिंसइ किंचणं।

अहिंसा समयं चेव एतावन्तं वियाणिया’^५॥

सुगतो बुद्धो अनेकेहि पसङ्गेहि पठमं सीलं सम्मुद्दं करोति। यथा, सुत्तनिपातस्स मेत्तसुते एवं दिस्सति—

‘माता यथा नियं पुत्तं, आयुसा एकपुत्तमनुरक्खे।

एवम्यि सब्बभूतेसु, मानसं भावये अपरिमाणं।।

मेतञ्च सब्बलोकस्मिं, मानसं भावये अपरिमाणं।

उद्धं अधो च तिरियं च, असम्बाधं अवेरमसपत्तं’^६॥

तस्मा एको पुरिसो मेत्तं च करुणं च उप्पज्जित्वा हिंसाय पटिविरतो होति। एसा पटिविरति न केवलं वचनमत्तमेव, अपि च कम्मे पि तथेव युज्जति।

२. अदिन्नादाना वेरमणी

अदिन्नस्स आदानं अदिन्नादानं ति। इदं पन चोरकम्मं, थेय्यं, परवत्युहरणं वा। सुमङ्गलविलासिनियं अदिन्नादानं एवमेव दिस्सति—‘तत्य अदिन्नन्ति परपरिग्गहितं, यत्य परो यथाकामकारितं आपज्जन्तो अदण्डारहो अनुपवज्जो च होति। तस्मि परपरिग्गहिते

१. दीघनिकायो १, पिट्ठङ्कं ४, वि.वि.वि., भागो १।

२. मज्जिमनिकायो-२, पिट्ठङ्कं २५, वि.वि.वि. भागो १३।

३. महाभारतम्, ११.१३।

४. पातञ्जलयोगसूत्रम् २.३५।

५. सूत्रालंकारः-१.१.४.१०।

६. सुत्तनिपातपालि, पिट्ठङ्कं १०७, वि.वि.वि., भागो ४८।

परपरिग्गहितसञ्जिनो, तदादायकउपककमसमुद्भापिता थेय्यचेतना अदिनादानं^१। तस्स पञ्च सम्भारा होन्ति—परपरिग्गहितं, परपरिग्गहितसञ्जिता, थेय्यचित्तं, उपककमो, तेन हरणन्ति। बुद्धसासने अदिनादानं वसलधम्मो ति पवुच्चति। सुत्तनिपातस्स वसलसुत्ते भगवा बुद्धो कथेसि—

गामे वा यदि वारज्जे, यं परेसं ममायितं।

थेय्या अदिनमादेति, तं जज्ञा वसलो इति^२॥

अपरम्पि यत्थ यत्थ थेय्यं, तत्थ तत्थ हिंसा पि दिस्सति। तस्मा अदिनादानं पातिमोक्खस्स पाराजिकधम्मे गहितं। यो भिक्खु अदिनं आदियमानो, सो पाराजिको होति असंवासो^३। चोरकम्मं थेय्यकम्मं वा अच्चन्तगरहितो धम्मो होति। ततो थेय्यकम्मेहि धम्मेहि विरती ति अदिनादाना वेरमणी ति पवुच्चति। सत्था बुद्धो आमन्तेसि-अदिनादाना वेरमणी सिक्खापदं समादियामि^४। दीघनिकायस्स सामञ्जफलसुत्ते एवं दिस्सति—अदिनादानं पहाय अदिनादाना पटिविरतो होति दिनादायी दिनपाटिकङ्की, अथेनेन सुचिभूतेन अत्तना विहरति। इदम्पिस्स होति सीलसिं^५। धम्मपदस्स ब्राह्मणवग्गे कथितं यं यो पुरिसो अदिनादाना पटिविरतो ति सो ब्राह्मणो होति। यथा—

यो' ध दीघं वा रस्सं वा, अणुं थूलं सुभासुभं।

लोके अदिनं नादियति, तमहं ब्रूमि ब्राह्मणं^६॥

पातञ्जलयोगसुत्ते पि दिस्सति—अस्तेयप्रतिष्ठायां सर्वरत्नोपस्थानम्^७।

३. कामेसुमिच्छाचारा वेरमणी

पञ्चसु सीलेसु ततियं सीलं ति कामेसुमिच्छाचारा वेरमणी। इदं पन अब्रह्मचरिया वेरमणी पि पवुच्चति। अब्रह्मचरिये तीणि पदानि होन्ति—‘अ’, ‘ब्रह्म’, ‘चरियं’ च। अ इति निसेधत्थदीपको, ब्रह्म ति सेड्हो, चरियं ति आचारं। तस्मा सेड्हं आचारं ति ब्रह्मचरियं, असेड्हाचारं वा असेड्हचरियं वा ति अब्रह्मचरियं। इमसिं लोके ब्रह्मचरियस्स महत्तं नानाप्पकारेहि दिस्सति। वोहारतो ब्रह्मचरियं ति संयमो। कस्स संयमो? इन्द्रियस्स। परमत्थतो पन निष्वानगामिनीमगं

१. सीलक्खन्धवग्गदुकथा, पिट्ठङ्कं ६७, वि.वि.वि., भागो ४।
२. सुत्तनिपातपालि, पिट्ठङ्कं १०३, वि.वि.वि., भागो ४८।
३. पाराजिकपालि, पिट्ठङ्कं ५१, वि.वि.वि., भागो ८७।
४. खुद्धकपाठपालि, पिट्ठङ्कं २, वि.वि.वि., भागो ४७।
५. दीघनिकायो-१, पिट्ठङ्कं ५६, वि.वि.वि., भागो १।
६. धम्मपदपालि, पिट्ठङ्कं ६४, वि.वि.वि., भागो ४७।
७. पातञ्जलयोगसुत्रम् २.३७।

ति। पाराजिकअटुकथायं कथितं—‘ब्रह्मचरियं ति सिक्खत्य सङ्घहितं मगव्रह्मचरियं’। अपरम्पि—‘खीणा जाति, वुसितं ब्रह्मचरियं, कतं करणीयं, नापरं इत्यत्ताया’ ति^३। दुक्खस्स सम्मारुपेन पहानाय ब्रह्मचरियं ति इट्टं। भगवा वुद्धो वारम्बारं कथेसि—‘स्वाक्खातो धम्मो, चरथ ब्रह्मचरियं सम्मादुक्खस्स अन्तकिरियाया’ ति^४। खुद्दकनिकायस्स थेरगाथायं ब्रह्मचरियेन एको पुरिसो ब्राह्मणो होति। तत्य एवमेव दिस्सति—

तपेन ब्रह्मचरियेन, संयमेन दमेन च।

एतेन ब्राह्मणो होति, एतं ब्राह्मणमुत्तमं ति^५॥

ब्रह्मचरियस्स आनिसंसं अब्जदस्सने पि पाकटं होति। यथा पातञ्जलयोगे पकासितं यं ब्रह्मचरियपतिष्ठायं विरियलाभो ति। अपि च व्यासस्स पातञ्जलयोगटीकायं कथितं—‘ब्रह्मचर्यं गुप्तेन्द्रियस्योपस्थस्य संयमः’^६। ब्रह्मचरियस्स फलं दस्सेत्वा भगवा वुद्धो भिक्खू आमन्तेसि—‘अब्रह्मचरिया वेरमणी सिक्खापदं समादियामि^७। भगवता वुद्धेन दीघनिकाये पकासितं—‘अब्रह्मचरियं पहाय ब्रह्मचारी समणो गोतमो आराचारी विरतो मेथुना गामधम्मा’ति^८। इदं पन अब्जरुपेन अङ्गुत्तरनिकाये पि दिस्सति—अरियसावको कामेसुमिच्छाचारा पटिविरतो होति^९। एत्य पन कामेसुमिच्छाचारो ति अच्चन्तगरहितो मिच्छाचारो, परदारगमनइच्छा, अकुसलाचारो वा। यो पुरिसो कायेन वा वाचाय वा मनसा वा परदारं दुस्सति सीलं विनासेति वा, सो कामेसुमिच्छाचारो पुरिसो ति पवुच्चति। तादिसो पुरिसो वसलो वा पराभवो वा कथीयति। इमस्स अवण्णस्स पकासना सुत्तनिपातस्स वसलसुते पराभवसुते च निन्नरुपेन दिस्सति—

यो जातीनं सखीनं वा, दारेसु पटिदिस्सति।

साहसा सम्मियेन वा, तं जब्बा वसलो इति^{१०}॥

अपरम्पि—

सेहि दारेहि असन्तुद्धो, वेसियासु पदुस्सति।

दुस्सति परदारेसु, तं पराभवतो मुखं^{१०}॥

१. पाराजिक-अटुकथा, पिट्ठङ्कं १६६, वि.वि.वि., भागे ९२।

२. दीघनिकायो-१, पिट्ठङ्कं ७४, वि.वि.वि., भागे १।

३. महावगपालि, पिट्ठङ्कं १७, वि.वि.वि., भागे ८९।

४. थेरगाथापालि, पिट्ठङ्कं २४६, वि.वि.वि., भागे ५६।

५. पातञ्जलयोगटीका-२.३०।

६. खुद्दकपाठपालि, पिट्ठङ्कं २, वि.वि.वि., भागे ४७।

७. दीघनिकायो-१, पिट्ठङ्कं ४, वि.वि.वि., भागे १।

८. अङ्गुत्तरनिकायो २, खन्धो १, पिट्ठङ्कं १९६, वि.वि.वि., भागे ३७।

९. सुत्तनिपातपालि, पिट्ठङ्कं १०४, वि.वि.वि., भागे ४८।

१०. सुत्तनिपातपालि, पिट्ठङ्कं १०२, वि.वि.वि., भागे ४८।

तस्मा सत्थारा बुद्धेन कामेसुमिच्छाचारं मेधुनधमरूपेन वा सुक्कविस्सहिरूपेन वा मातुगामेन सद्दि कायसंसगरूपेन वा पातिमोक्षधर्मे गहितं। यथा—

यो पन भिक्खु मेधुनं धर्मं पटिसेवेय्य, पाराजिको होति असंवासो ति^१।

सञ्चेतनिका सुक्कविस्सहि अज्जत्र सुपिनन्ता सहृदादिसेसो ति^२।

यो पन भिक्खु ओतिण्णो विपरिणतेन चित्तेन मातुगामेन सद्दि कायसंसगं समापज्जेय्य हत्थगाहं वा वेणिगाहं वा अज्जतरस्स वा अङ्गस्स परामसनं सहृदादिसेसो ति^३।

एवमेव कामेसुमिच्छाचारी पुरिसो न केवलं इमस्मि लोके तप्ति, अपि च अपरस्मि लोके चाति। तथेव कामेसुमिच्छाचारा पटिविरतो पुरिसो इमस्मि लोके च अपरस्मि लोके चपि नन्दति। अङ्गुत्तरनिकाये पि कथितं—अत्तना च कामेसुमिच्छाचारी होति, परञ्च कामेसुमिच्छाचारे समादपेति, कामेसुमिच्छाचारे च समनुब्जो होति। इमेहि खो, भिक्खवे, तीहि धर्मेहि समन्नागतो यथाभतं निक्षित्तो एवं निरये^४। अपरम्पि—अत्तना च कामेसुमिच्छाचारा पटिविरतो होति, परञ्च कामेसुमिच्छाचारा वेरमणिया समादपेति, कामेसुमिच्छाचारा वेरमणिया च समनुब्जो होति। इमेहि खो, भिक्खवे, तीहि धर्मेहि समन्नागतो यथाभतं निक्षित्तो एवं सग्गे^५।

४. मुसावादा वेरमणी

मुसा ति अभूतं अतच्छं अलिकं असच्चं वा। वादो ति तस्स भूततो तच्छतो सच्चतो विज्ञापनं। एवं यं वचनं असच्चं अलिकं वा, तस्स वचनस्स सच्चरूपेन कथनं ति मुसावादो। लक्खणतो पन अतथं वत्युं तथतो परं विज्ञापेतुकामस्स तथाविज्ञतिसमुद्घापिका चेतना मुसावादो^६। दीघनिकाय-अद्वकथायं कथितं—एत्थ मुसा ति विसंवादनपुरेकखारस्स अत्यभञ्जनको वचीपयोगो कायपयोगो वा विसंवादनाधिष्पायेन पनस्स परविसंवादककायवचीपयोगसमुद्घापिका चेतना मुसावादो^७। बुद्धधर्मे इमस्स वण्णना वसलधर्मेसु विज्जति; यथा—

यो ब्राह्मणं समणं वा, अज्जं वा पि वनिष्कं।

मुसावादेन वञ्चेति, तं जज्ञा वसलो इति^८॥

१. पाराजिकपालि, पिट्ठङ्कं २२, वि.वि.वि., भागो ८७।

२. तत्येव, पिट्ठङ्कं १४९, वि.वि.वि., भागो ८७।

३. तत्येव, पिट्ठङ्कं १७३, वि.वि.वि., भागो ८७।

४. अङ्गुत्तरनिकायो-१, खन्थो १, पिट्ठङ्कं ३३६, वि.वि.वि., भागो ३५।

५. तत्येव, पिट्ठङ्कं ३३६, वि.वि.वि., भागो ३५।

६. सीलक्खन्थवग्गद्वकथा, पिट्ठङ्कं ६७, वि.वि.वि., भागो ४।

७. सीलक्खन्थवग्गद्वकथा, पिट्ठङ्कं ६७, वि.वि.वि., भागो ४।

८. सुत्तनिपातपालि, पिट्ठङ्कं १०४, वि.वि.वि., भागो ४८।

तस्मा सत्था बुद्धो उपासकं च भिक्खुं च आमन्तेसि—

मुसावादा वेरमणी सिक्खापदं समादियामि^१।

एवं समणो गोतमो मुसावादं पहाय सच्चवादी हुत्वा विहरति। ब्रह्मजालसुते भगवा बुद्धो कथेसि—‘मुसावादं पहाय मुसावादा पटिविरतो समणो गोतमो सच्चवादी सच्चखन्धो थेतो पच्चयिको अविसंवादको लोकस्सा’ ति^२।

सच्चस्स पतिङ्गापनं न केवलं बुद्धवचने दिस्सति, अपि च अञ्जगन्धेसु पि सम्मारुपेन पाकटं होति। महाभारते कथितं—

‘सत्येन धार्यते पृथ्वी सत्येन तपति रविः।

सत्येन वाति वायुश्च सर्वं सत्ये प्रतिष्ठितम्’^३॥

अपरम्पि—सत्यमेव जयते^४ मुण्डकोपनिषदे दिस्सति। एवं एको पुरिसो जटाहि वा गोत्तेहि वा ब्राह्मणो न होति, अपि च सच्चेन धम्मेन सो ब्राह्मणो होति। धम्मपदे इदं पन एवमेव दिस्सति—

‘न जटाहि न गोत्तेहि न जच्चा होति ब्राह्मणो।

यम्हि सच्चञ्च धम्मो च सो सुची सो च ब्राह्मणो’^५॥

५. सुरामेरयमज्जप्पमादद्वाना वेरमणी

सुरा-मेरय-मज्जादिपरमोत्तेजकपानस्स कुसलचेतनाविनासकस्स वा अधिवचनं। तेसं वण्णना अट्टकथायं इमिना नयेन दिस्सति—सुरा नाम पिंडकिणपक्षिखत्ता; नाळिकेरादीनम्पि रसेन कता सुरात्वेव सङ्घायं गच्छति, तस्सायेव किणणपक्षिखत्ताय मण्डे गहिते मेरयोत्वेव सङ्घायं गच्छती ति वदन्ति^६। तेसं अनेका आदीनवा दिस्सन्ति, यथा—छ खो मे, गहपतिपुत्त, आदीनवा सुरामेरयमज्जप्पमादद्वानानुयोगे। सन्दिङ्किका धनजानि, कलहप्पवङ्गनी, रोगानं आयतनं, अकिञ्चिसञ्जननी, कोपीननिदंसनी, पञ्चाय दुष्प्रलिकरणीत्वेव पदं भवति। इमे खो, गहपतिपुत्त, छ आदीनवा सुरामेरयमज्जप्पमादद्वानानुयोगे^७। तं पि निदेसेत्वा भगवा बुद्धो भिक्खुं च उपासकं च समादियति—

१. खुद्दकपाठपालि, पिंडङ्कं २, वि.वि.वि., भागो ४७।

२. दीघनिकायो-१, पिंडङ्कं ४, वि.वि.वि., भागो १।

३. महाभारतम्, शान्तिपर्व, १६.२.२४; ४. मुण्डकोपनिषद्-३.१.६।

५. धम्मपदपालि, पिंडङ्कं ६२, वि.वि.वि., भागो ४७।

६. पाचित्तिय-महावग्ग-अट्टकथा पिंडङ्कं ११५, वि.वि.वि., भागो ९४।

७. दीघनिकायो-३, पिंडङ्कं १३८, वि.वि.वि., भागो ३।

सुरामेरयमज्जप्पमादद्वाना वेरमणी—सिक्खापदं समादियामि^१। सुत्तनिपाते पि कथितं—
 आरती विरती पापा, मज्जपाना च संयमो।
 अप्पमादो च धम्मेसु, एतं मङ्गलमुत्तमं^२ ॥

अपरम्पि—

मज्जं न पानं न समाचरेय्य, धम्मं इमं रोचये यो गहद्वो।
 न पायेय्य पिबतं नानुजञ्जा, उम्मादनं इति नं विदित्वा^३ ॥

एवमेव पाणातिपातो, अदिन्नादानं, कामेसुमिच्छाचारो, मुसावादो, सुरामेरयमज्जप्पमादद्वाना पञ्चकम्मानि अकुसलानि निन्दितानि गरहितानि होन्ति। तस्मा भगवा बुद्धो देसेति—भगवा हि, भन्ते, पाणातिपाता वेरमणिया धम्मं देसेति, अदिन्नादाना वेरमणिया धम्मं देसेति, कामेसुमिच्छाचारा वेरमणिया धम्मं देसेति, मुसावादा वेरमणिया धम्मं देसेति, सुरामेरयमज्जप्पमादद्वाना वेरमणिया धम्मं देसेति^४। एवं उपरिकथितपञ्चसीलस्स महत्तं न केवलं बुद्धकाले दिस्सति, अपि च वत्तमानसमये पि सम्मारूपेन पाकटं होति। एत्य पन सहित्तेन कथितब्बं—

यो पाणमतिपातेति, मुसावादं च भासति।
 लोके अदिन्नमादियति, परदारं च गच्छति ॥
 सुरामेरयपानं च, यो नरो अनुयुञ्जति।
 इधेव मेसो लोकस्मि, मूलं खणति अत्तनो^५ ॥



१. खुद्दकपाठपालि, पिट्ठङ्कं २, वि.वि.वि., भागो ४७।
२. सुत्तनिपातपालि, पिट्ठङ्कं १२३, वि.वि.वि., भागो ४८।
३. संयुत्तनिकायो-३, खन्धो १, पिट्ठङ्कं ११९, वि.वि.वि., भागो २७।
४. दीघनिकायो-३, पिट्ठङ्कं १४७, वि.वि.वि., भागो ३।
५. धम्मपदपालि, पिट्ठङ्कं ४४, वि.वि.वि., भागो ४७।